

LU SCURPIUNI

Lu scurpiuni, lu scurpiuni, trasi e nesci ro vadduni,
pi scappari a la faina, striscia russa sutta a schina.
Lu scurpiuni i notti acchiana li muntagni i Resuttana,
p'ammucciarisi 'nto scuru 'nni la notti è cchiù sicuru.

Quannu u sulì nesci anticchia lu scurpiuni s'arruspighia,
pi circari chi manciari di chi biviri e fumari.
Ni li casi di campagna va a circari a so' cumpagna,
pi sfugarisi d'amuri, lu scurpiuni sissignuri.

Lu furettu brigaderi ccu li so' carrabbineri,
gira, gira casa casa iè pi picca mancu sfa.
P'ancagghiari lu scurpiuni mancu servi lu cannuni,
basta sulu 'na muschitta, tisa, longa, cutta e stritta.

A muschitta ca nun c'è, p'ancagghiari o' zu vicè,
lu scurpiuni di la zisa, manu ciunca e anca tisa.
Lu scurpiuni di Carini javi l'occhi de' parrini,
menzu santu e menzu pazzu, cu li stiddi 'nta lu frazzu.

Lu scurpiuni i Misilmeri senza ugna 'nta li peri,
li burbuna cci scipparu, ie a li cani cci jttaru.
Lu scurpiuni di Girgenti, ccu la lama 'ntra li denti,
a Muntapertu lu truvaru, nni lu misi di Jnnaru.

Lu scurpiuni di Malettu gira e sata supra o tettu,
pi scappari a li liuna 'llicca e mancia li crastuna.
Iè cu tutti sti' scurpiuna c'ammazzaru li patruna,
a Sicilia è sempri a stissa, genti sperta e genti fissa!